

Broj: 01/1- \_\_\_\_ / 17  
Kakanj: \_\_\_\_\_.\_\_\_\_.2017. godine

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine F BiH“, broj 49/06 i 51/09) i člana 24. Statuta Općine Kakanj (Sl. novine Općine Kakanj broj 4/08 ), Općinsko vijeće na \_\_\_\_ sjednici održanoj \_\_\_\_\_.\_\_\_\_.2017. godine, **donijelo je**

**ODLUKU  
O IZMJENAMA I DOPUNAMA ODLUKE O STIPENDIRANJU UČENIKA SA  
PODRUČJA OPĆINE KAKANJ**

**Član 1.**

U članu 3. stav 2. Odluke o stipendiranju učenika sa područja općine Kakanj ( „Službene novine Općine Kakanj, broj: 3/14 i 3/16), mijenja se i glasi: “Pravo na dodjelu stipendija, bez obzira na postignuti uspjeh i socijalno-ekonomsku situaciju imaju učenici srednjih škola - djeca sa posebnim potrebama i učenici romske populacije i učenici osnovnih i srednjih škola - djeca poginulih rudara i djeca bez roditeljskog staranja .

**Član 2.**

U članu 12. stav 1. navedene Odluke iza riječi „učenicima“ dodaju se riječi “ srednjih škola“ .

**Član 3.**

U članu 13. stav 2. Odluke mijenja se i glasi: “Učenicima generacije osnovnih škola i učenicima – djeci poginulih rudara i djeci bez roditeljskog staranja, stipendije će se dodjeljivati neovisno o kriterijima utvrđenim članom 10. i 11. Odluke o stipendiranju učenika.

Dodaje se novi stav 3. koji glasi: “Učenicima generacije osnovnih škola stipendija se dodjeljuje neovisno o kriterijima utvrđenim članom 10. i 11. Odluke o stipendiranju učenika samo za prvi razred srednje škole“.

**Član 4.**

Ova Odluka stupa na snagu danom donošenja, a bit će objavljena u „Službenim novinama Općine Kakanj“.

PREDSJEDAVAJUĆI  
OPĆINSKOG VIJEĆA  
Slaven Katičić

## OBRAZLOŽENJE

### Pravni osnov

Pravni osnov za donošenje Odluke sadržan je u članu 13. Zakona o principima lokalne samouprave u Federaciji Bosne i Hercegovine (Službene novine FBiH 49/06 i 51/09) i članu 24. Statuta Općine Kakanj (Službene novine Općine Kakanj broj:4/08)

### Razlozi za donošenje Odluke:

Općina Kakanj svake godine izdvaja sredstva za stipendiranje učenika srednjih škola sa područja općine Kakanj. Sredstva se realizuju u skladu sa Odlukom o stipendiranju učenika sa područja općine Kakanj (Službene novine Općine Kakanj broj: 3/14 i 3/16).

Određeni broj učenika kojima se sufinansiraju troškovi prevoza istovremeno ima mogućnost ostvarivanja prava na stipendije ( u skladu sa kriterijima), dok određeni učenici ne ostvaruju pravo niti po jednom osnovu.

Da bi se što većem broju učenika sa područja općine Kakanj omogućilo korištenje sredstava iz budžeta Općine ( po jednom ili drugom osnovu), Služba je predložila odluku o izmjenama i dopunama Odluke o stipendiranju učenika koja je razmatrana na 14. sjednici Općinskog vijeća Kakanj održanoj 30.11.2017. godine.

Na istoj sjednici usvojen je Zaključak kojim se odgađa izjašnjavanje o prijedlogu odluke o izmjenama i dopunama Odluke o stipendiranju učenika sa područja općine Kakanj za narednu sjednicu. Službi za društvene djelatnosti, boračka pitanja, raseljena lica, izbjeglice i povratnike naloženo je da, u saradnji sa Komisijom za mlade, doradi prijedlog odluke uzimajući u obzir primjedbe, mišljenja i sugestije vijećnika iz diskusije sa 14. sjednice Općinskog vijeća.

Primjedbe vijećnika uglavnom su se odnosile na član odluke kojim se učenicima kojima Općina sufinansira troškove prevoza u iznosu većem od 50,00 KM mjesečno, onemogućava da konkurišu za dodjelu stipendija.

Uzimajući u obzir primjedbe vijećnika i u dogovoru sa Komisijom za mlade, sporni član je izbrisan iz prijedloga odluke o izmjenama i dopunama Odluke o stipendiranju učenika tako da učenici srednjih škola sa područja općine Kakanj, bez obzira da li koriste povlastice za prevoz ili ne, mogu konkurisati za dodjelu đачkih stipendija.

U članu 1. i 2. izmjena i dopuna Odluke, precizira se da samo djeca poginulih rudara i djeca bez roditeljskog staranja, a koji pohađaju osnovnu školu, imaju pravo na stipendiju .

U članu 3. utvrđeno je da osim djece poginulih rudara i djece bez roditeljskog staranja, pravo na stipendiju bez obzira na kriterije utvrđene članom 10. i 11. Odluke, mogu ostvariti učenici generacije osnovnih škola i to samo za prvi razred srednje škole (ovi učenici mogli su konkurisati za stipendiju ali nisu direktno ostvarivali pravo na istu).

Obrađivač:  
Služba za društvene djelatnosti, boračka pitanja,  
raseljena lica, izbjeglice i povratnike

Predlagač:  
Općinski načelnik